

SURAH AL- BAQARA

VERSES:143-146 {IN ROMAN ENGLISH}

SURAH AL- BAQARA



Assalamu 'alaikum Wa Rahmatullahi Wa Barakaatuhu



VERSES 143-146



BISMILLAH HIR RAHMAAN NIR RAHEEM

(Shuru Allah ke paak naam se , jo bada Meherbaan aur Rahemwala hai)



SURAH AL- BAQARAH
(Verses : 143 to 146)



143). Aur is tarah hum ne tumko saare ummath par afzal banaya hai- Taake tum logon par gawah bano aur Paigamber(SalAllahu alaihi wa sallam) , tum par gawah nahi aur jis qible par tum (pahle) the, isko hum ne isliye mukharar kiya tha ke, malum karen ke kaun (hamare) paigamber (SalAllahu alaihi wa sallam) ka taabi(pairvee karta) rahta hai aur kaun ulte paanv phir jaata hai- Aur yeh baat(yaane qibla mukharar karna) beshaque bhaari thi, magar jin ko Khuda ne hidayath bakhshi hai (woh ise bhaari nahi samajte) - Aur Khuda aisa nahi ke tumhare imaan ko yun hi kho de- Khuda toh logon par bada meherbaan aur sahibe rahmath hai.

144). Aye Muhammad!(SalAllahu alaihi wa sallam) , hum dekh rahe hai , tumhara baar baar aasmaan ki taraf munh karna- Toh hum tumko isi qible ki taraf jis ko tum pasand karte ho , munh karne ka hukum zarur denge- Toh apna munh Masjid-e-Haram(yaane Khana-e-Ka'bah) ki taraf pherlo aur tum log jahan hua karo (namaz padhne ke waqt) , isi Masjid ki taraf munh karliya karo , aur jin logon ko kitaab di gayi hai, woh khoob jaante hai ki (naya qibla) in ke parwardegaar ke taraf se haq hai, aur jo kaam yeh log karte hai, Khuda inse bakhabar nahi hai.

145). Aur agar tum in Ahle-Kitaab ke paas , tamaam nishaniyaan bhi lekar aao, toh bhi yeh tumhare naye qible ki pairvee na karenge aur tum bhi , inke qible ki pairvee karnewale nahi ho, aur in mein se bhi baaz baaz ke qible ki pairvee nahi- Aur agar tum bawjuud is ke, ke tumhare paas Daanishi (yaane Khuda ki wahi) aa chuki hai, inki khwaaishon ke peeche chaloge toh tum zaalimon mein (daakhil) ho jaaoge.

146). Jin logon ko humne kitaab di hai, woh in (paigamber(SalAllahu alaihi wa sallam) ko , is tarah pehechaante hai , jis tarah apne beton ko pehechaana karte hai, magar in mein ek ghero (jamaath) aisi hai , jo sachee baat ko jaan boojkar chupa rahe hai.

(Sadaqullahul Azeem) ✨



SHURUKH HUSSAIN